



www.khiv.ru/pressa

АКУ ХЯД

СВЕТЛАЯ ЗВЕЗДА

Хив райондин жямаятдинна сиясатдин газет

№ 2 (5667)

18-пи январь, 2021-пи йис

Газет гяфтайш сабан удубчівура

Кымат 3 манатна 68 кепек



Райондин администрацияйи

КьатI и месэлийрикан гьулхну

2021-пи йисан 11-пи январь райондин администрацияйи конференцияйи райондин администрацияйи яркы совещание кьулу гьушну. Дидин ляхны райондин администрацияйи главин заместителари, райондин администрацияйи отделарин начальники, райондин центрийин али идарин руководители иштирак гьалпну.

Совещание «Хивский район» МО-ин администрацияйи глава Ярмет Ярметовди ачмаш гьалпну ва култура гьушну.

Совещаниейин эвели Ярмет Алиматовичди 2020-пи йисан намуслувалинди зегьмет гьизигу райондин вари агаалириз чухсагьул гьалпну ва райондин администрацияйи экономикайин, бици предпринимательской ва инвестицияйин отделин начальники заместитель Гасан Нурмагомедовди ужуй зегьмет зигбаан Дагьустан Республикайин Главин вазифири вахтинчидам алаурайи вуйи Сергей Меликовди Благодарность мялум дапнайиваликан гьалпну ва думу Благодарность кайи Кагъаз Гасан Нурмагомедовди хуна туву ва дугъаз награда мубарак гьалпну, ляхны имбубсан гизаф хьуркувалар хьуб кун гьалпну.

Коронавирусдин пандемияйихди аьлакьалу вуди районди арайиз дунфайи гьалнакан ЦРБ-ин клипин дукхнин вазифири вахтинчидам алаурайи вуйи Агамагомед Нурмагомедовди ктитну. «Гамусаятна райондин больницайин «Красный зоний» 9 кас коронавирусдин инфекция кади дахьна, гьалну дугьу. Ишурайидарин кьадар кам шулар. Садр сагь шула, дурарин ерина хьанара ишурайидар мялум шула. Больницайи кьаьнайидар сагь апбан дармнарин кьитвал а. Медикаментарихди ишурайидар тямин апбан гьайгушна ача, агалийири масочный режим кьулу гьабуб, Роспотреб

надзорин кун апбарин дюзди аьмал апуб лизим ву», гьалну чан улхбарин аьхире Агамагомед Нурмагомедовичди.

Райондин Муниципальный образованиин главин заместитель Агамирзе Гамзабековди чан улхбариз кьайд гьалпганис. 2020-пи йисан 28-пи декабризкан их районди налогар ва налогариандар дару дохар уч апбан план 98,6 процентдин тамам дапна. Зилдккарин, Гашангулан, Ккугарин гуларин аварияйи гьална аи мектебарин гьалнаан чпин теклифар кайи кагъзар РД-ин образованиин ва илимдин министерствойиз, тикилишчивалин министерствойиз ва экономикайин министерствойиз хьадапна ва республикайин инвестиционный программийи зихь кудухнайи мектебар кануб тлаба дапна. Агамирзе Шабановичди гьадина Хирччварин, Лик арин, Цудухарин, Цналарин гуларин агалийири шухуд тямин апбан месэла гьал алаурайиваликан, «Комфортная городская среда» кьур проектин бинайинди районди кьулу гьаурайи ляхнарикан, Захтарин гьулаш дивну кудукнайи цийи мектеб мебелиди, оборуданиихди тямин апбан месэлайин гьайгушна аиваликан,

ци райондин бюджетдик йитимар вуйи кьур кас яшайишдин хуларихди тямин апбан бадали пулин дакьатар кипнайиваликан гьалпну.

Хьасин совещаниейин гьулху «Хивский район» МО-ин главин заместитель Мирзабек Багичевди Цийи йисандин машквин ийгари вари гьуларин идарири, объектари дежурство кьулу гьушуваликан, 5-пи январь Цантарин гьулаш агалийири хулар ца каьхну гьургуваликан, хуларин эсийиз гьулаш жямаятди, «Инсан» чьур али фондди коментар тувуваликан гьалпну. Му дюшюнахди аьлакьалу вуди Ярмет Ярметовди райондин администрацияйин резервний фонддин зарар гьабхи хизанди материальный коментар туван бадали райондин администрацияйи ГО, ЧС-дин отделин начальник Магомед Рагимхановди лизим вуйи документар дюзмиш апбан буйруг туву.

Госстатистикайин райондин отделин начальник Руслан Гаджимагомедовди 2020-пи йисан кьулу дубну кундайи агалийири перепись, коронавируси пандемия себеб дубну, 2021-пи йис инди дубувакан ва думу перепись 1-30-пи апрели кьулу гьабхуваликан, думу серенжмидхна чиб гьазур шулайиваликан ктитну.

Гьулаш мяшаддин отделин начальник Байрамбек Кучувди мяшадтарин мал-кьарайи галариз кьурд ужуйи кецимиш алаурайиваликан, окотный кампания башламиш дапнайиваликан хабар туву.

РОО-ин начальник Назарали Тарлановди вари образовательный учрежденири температурный режим лизим кьайдайик кьайиваликан, Захтарин гьулаш цийи мектеб дивну кудукнайиваликан ва думу мектебди оборудование хулаш бадали контракт йибтайиваликан гьалпну.

Културайин, спортдин, жигьларин политикайин ва туризмдин отделин начальник Казбек Казиевди 20-21-пи январь ДАССР-ин 100 йис тамам хьулаз тьлукь вуди кьулу гьабгьу республиканский концертди райондин културайин маканарин работникар гьазур шулайиваликан, културайин маканариз оборудование масу гьадабгьан месэла гьал алаурайиваликан гьалпну.

«Село Хив» гьулаш поселениейин администрацияйин глава Фахрудин Рамазановди Хиварин гьулаш агалийири шухуд тямин апбан ва зирзир лизим йишвахна гьабхан проблемейи имбуваликан, «Чувек-Хив» водопровод ремонт дапну кундайиваликан ктитну.

Совещаниейин гьадина райондин администрацияйин ляхнарин управлюйи Арсен Рамазанов, Хив райондин пенсионный отделин начальник Герман Асваров, Хив ва Агул районарин военком Пирмагомед Кубачев, ветуправлениейин начальник Энвер Мисриханов ва жара юлдшар гьулхну. Дурари чпин коллективариз кьулу гьаурайи ляхнарикан жикь информацийи туву.

Совещаниейин гьал гьалпну месэлийири Ярмет Ярметовди бязи руководителариз кьатI и табшургуар, теклифар туву.

Пресс-центр.

ДАССР-ин 100 йис тамам хьулаз тьлукь вуди

ДАССР-ин юбилей

20-пи январь Дагьустандин Автономный Советский Социалистический Республика тешил гьалпханмина 100 йис тамам шула. Дагьустандин АССР тешил алувал их республикайин уьмри

диб гьабхну.

Му вакьа себеб вуди Дагьустандин халкьарихан ватандаш даяи гьабгьурайиган дарабгу гьулаш мяшадт йишва хуз, индустриализацияйихна ва коллективизацияйихна вуйи читин рьакь ккадапуз гьабхну. Думган цийи заводар ва фабрикйи диври, йирси карханйи цийи алапур, гьуларйира цийи ва аьхю дигиш валар арайиз гьури гьабхну.

Дагьустан урус културайихди, гьадина дун'яйин културайихди таниш апбу гьамусдин деврин милли интеллигенция арайиз гьуру мумкинвал туву. Жикь вахтан арайи халкьдин мяшадт ликриана за гьалпну, Дагьустан културайинна социальный



кьадар-кьисмат гьал апбан ваританна аьхю вакьийирикан саб гьабхну. Диди дагьустанлуири гизаф насларин уьмриз тьсир гьалпну. Тарихийрин ва политикайин машгур ксарин фикринди му ийг их халкьарин тарихин цийи девир гьисаб апбан точка гьабхну.

1920-пи йисан 13-пи ноябрь Темирхан-Шура шагьри Дагьустандин халкьарин Чрезвычайный съезд ачмаш гьалпниш. Душ'ин РСФСР-ин миллетарин ляхнариз лигьу нарком Иосиф Сталинди Советарин Гьокуматди Дагьустандин халкьариз автономный ихтиярар тувуз кундайиваликан гьалпниш. Дагьустандин АССР тешил апбан гьакьнаан Декрет кьабул алувал Дагьустандин халкьарин цийи тарих башламиш апбан эвел гьабхну.

1921-пи йисан 5-пи декабрь Советарин Варидагьустандин Учредительный съезд гьабхну. Съездди ДАССР-ин сабпи Конституция кьабул гьалпну. Съезддин гьадина Дагьустандин Советарин Центральный Исполнительный Комитетра ктабгьу. Дагьустандин халкьарин тамам вуйи государственной образованиийи-республикайиз сатли гьабхну. Россияйин дахилнаьди государственнойвал гьадабгьува ДАССР экономикайин ва културайин жигьатнаан артмиш хулаш кууватлу

жигьатнаан заан дережайиз удубчлуз хьубгьну, цийи карханйи ва электростанцийи дивуз хьубгьну. Дагьустан АССР-из 30-рилан артух цийи отраслийи, гьадму гьисабнаан вуди химический, радиотехнический, энергетический, тикилишчивалин ва жара индустрийири тешил гьалпну.

Дагьустандин тарихди Советарин Союз дарабгьурайи, гьушбу аьсрин 90-пи йисари кьатI и роль уйнамиш гьалпну. Улихдин Советарин Союздин республикайири чпин суверенитетдин гьакьнаан законар кьабул алури гьабхнаан, дагьустанлуири чпиз гизаф миллетарикан ибарат вуйи их уьлкейин сатли вуйи хизанди гьузуз ва яшамаш хьуз кундайиваликан гьалпну. Дагьустандин государственность артмиш хьулаш 1994-пи йисан 26-пи июль Дагьустан Республикайин Конституция кьабул алувалари важиблу роль уйнамиш гьалпну.

Кечирмиш дубхнаи 100 йисан Дагьустан Россияйин Федерацияйин экономикайин, културайин ва жара аспектари хайлинди улихна дубшнайи политико-правовой субъектди илтибкна. Му йисарин тахрубайи шагьидвал алаурайиганси, гьамусдин ва гележгдин насларин хьуркуваларин важиблу шарт гизаф миллетарин Дагьустандин халкь сатливал ва мясалаьт ади яшамаш хьулаш ибарат ву.

ДАССР-ин 100 йис тамам хъуназ тълукъ вуди

Ахю инкъллабчи, ватанпервер

«Алдабху деериз уху тапанчиан гъвиш, гъюзибу деери ухуз тупраан (пушкайиан) иштуру».

Абуталиб Гъафуров.

1917-пи йисан Ахю Октябрин социалистический инкъллабди, клули большевикарин партия ади, Урусатдин пачагъдин гъюкумат дарабгъну ва дидин ерина рабочириинна нежбгарин социализмдин гъурулуш тешил гъалпну. 1921-пи йисан 20-пи январий

вакилар вуди Бакуий лихурайи Къ.Агъасиевдин, Гъ.Сафаралиевдин, Т.Юзбековдин ва жара инкъллабчириин ляхнарик хабар айи.

1917-пи йисан Петроградий Ахю Октябрин социалистический инкъллаб гъалиб хъвал вари касиб халкъари шадвалин гъяларий къаршуламыш гъалпну.

РСДРП (б)-йин Азербайджандий ляхник кади гъабхи тешиллатди Бакуий ва жара шагъарий лихурайи гъаврикк

ккаий фягълийир-инкъллабчирий ишварин ляхин гъабхбан бадали Дагъустандиз гъалпну. Дурари гъаврикк ккадру халкъар гъаврикк ккалпну ва социализмдин бина дивбан жигъатнаан ишварин ахю ляхин гъубну.

Гъяжимет Сафаралиевди Къибла терефнан Дагъустандиз, иллагъки Дербентдиз, Кюре округдиз советарин гъюкумат гъурмиш апбан ляхний ахю зегъметар гъизигну.

Вахтар лап читиндар вуйи. Цийиди арайиз дуфнайи социализмдин гъюкуматдиз айтп ва члат терефариин душмарн гизаф гъахну. Урусатдин пачагъ-лугъдин генералар вуди гъахьи Деникинди, Колчакди, Юденичди, Врангели регъбервал туврайи ва члат терефнан интервентарин къушмари, капиталистари а помещикари, ханариин беглари советарин гъюкумат цин гъалкъийи ипнайи.

Читин гъялнах айи Дагъустан гъадабгъуз кунди ва Каспий гъюлин девлетарий ул ахънайи туркерин чапунчири ахъ ватандиз улънайи. Му лап

читин вахтна Къибла терефнан Дагъустандиз, гъадму гъисабнаан Кюре округдизра рабочирий ва нежбгар инкъллабдиз ахъсиди удучънайи душмарнихди жент зигъбина жалб апбан бадали ялавлу инкъллабчирий ийгъдийишди дурумлуди ляхин аплурайи.

Клули РСДРП(б)-йин членар-инкъллабчирий вуйи Къ.Агъасиев, Т.Юзбеков, Гъ.Сафаралиев, Къ.Акимов, Г.Кочюрский, Б.Акимов, А.Мурсалов, Д.Раджабов, К.Карчугъаев ва жара большевикар ади Ахю Октябрин гъазанмиш апбан, рабочириинна нежбгарин гъюкумат ухъбан бадали варишварий сабси ерли халкъар гитликкуну ва социализмдин гъурулуш бадали жент зигъаз дих гъалпну.

1919-пи йисан 14-пи августдиз зин кудухнайи инкъллабчирий клули ади гъуджуннайи яракълу халкъари Къасумрингъул ин генерал Деникиндин армияийихди ва советарин гъюкуматдиз ахъси вуйи жара къуватарихди даяи гъубну. Мушва даяи йирхъуд ийгъан давам гъабхну ва инкъллабдин гъазанмиш апбанрин тереффар вуйи халкъари-инкъллабчирийи гъалибвал гъазанмиш гъалпну. Натижаийи 200-дилан зина деникинчирий терг гъалпну, 60 кас йисирвализ гъидисну. Деникиндин терефдар вуйи Кюре округдин начальник Умалиевра Къасумрингъул ин деникинчирий гарнизондин начальник Скирдхадзе ва дугъан комекчи Геллинский йивну гъакну.

Деникинчирий ийшну Дербентдин терефназди гъерну. Кюре округдин халкъдин яракълу дестьири душмандихъан 1800 винтовка, 6 пулемет ва 2 млн патрондар дадагъну.

Къасумрингъул Деникиндин къушмарихъан азад гъалпнан Къялан Сталарин Прим-Булат чъувр али йиш ин Кюре округдин агъалирин съезд гъабхну. Съездийи саки 1500 касди иштирак гъалпну. Съездийи сифте нубатнах советарин гъюкумат ухъбан бадали дапну кундайи месалирий гъял гъалпну ва хъур касидан ибарат вуйи Кюре округдин ревком табгъну.

Съезддин иштиракчирий рейсавалиинди хилар за дапну, ачухди сесер тувбинди революционный комитетдин членар вуди Т.Юзбеков, Гъ.Сафаралиев, А.Акимов, Б.Акимов, Г.М.Кочюрский ктагъну.

Жики саб вахтна ревкомди агъурилан зина халкъдин отрядар тешил ва яракъламаш гъалпну, чиб клули ади Дербент шагърин терефнах-инди деникинчирий армияийин къялахъ хъергъну.

Кюре округдин халкъдин къуватарикан дюзмиш дапнайи армияийк рякъюз чпин клули инкъллабчирий вуйи А.Эфендиев, З.Пашаев, К.Казиев ади Самур округдин ва клули А.Кемахский, Ахли ва Абдула Гамринский ади Кайтаго-Табасаранский округдин халкъарикан ибарат вуйи дестьирира ктикъну. Вари саги духъну, Дербентдизкъан ади вари гъулар Деникиндин къушмарихъан азад гъалпну. Белижийин рукъан рякъюз вокзалра чпин ихтиярназ гъадабгъну. Халкъарин дестьириз комек вуди Уру Армияийин къушмарра хъуркуну.

1920-пи йисан хъадукранган Дагъустандиз советарин гъюкум тамамвалиинди тасдикъ гъабхну.

Советарин гъюкуматдин деврир Гъяжимет Сафаралиевди гъюкуматдин жавабдар ляхар гъалпну. Дугъу чин наики ахю инкъллабчи, гъазира ляхин удукъру регъбер вуйвалра тасдикъ гъалпну. Дугъу Дагъустандин СНК-ийи ляхин гъалпну. «Дагъустандин» регъбер гъахьи Гъ.Сафаралиевди гъич рякъяр адру ва лап читин рякъяр ади Дагъустандин районарийи ва шагъарийи рякъяр кквину ва агъзариинди километрийн рякъяр ремонт гъалпну.

Гъ.Сафаралиевдин гъунарикан хабар гъахьи советарин машгъур писатель Николай Тихоновди дугъкан «Рякъярин Иллагъ» чъувр али повесть гъибикнийи.

Сафаралиеварин тухум ужудар ляхнариинди машгъурубу вуйи Гъяжиметдин чве Нурметди 1936-пи йисан Ленинградийи вари улькеийи машгъур «Дагъустан» завод дивну ва дидин регъбервал гъалпну. Дугъу 1941-1945-пи йисарин Ватандин Ахю даявди душмандихди жент гъизигну. Даявдин хъадану гъюлан къялахъ Нурметди завод хъана ляхки кипну ва чан умирин

ахъризкъан гъадушва ляхин гъалпну. Гъамусаявтарна гъунарулу абайин ляхин дугъан наслади давам аплура.

Сафаралиеварин хизандин шубурпи бай Ярмет Дагъустандиз медицинаийн бина кивидарикан сар, машгъур алим, ДАССР-ин ва РСФСР-ин лайиклу духтир гъахну. Дугъу Ватандин Ахю даявдин йисари улькеийн военный госпиталарий агъзариинди зийар гъахьи эскрар сагъ гъалпну. Даявдин къялахънара, чан умирин ахъризкъан думу агъалирин сагъламвал ухъбан гъавалиин гъахну.

Гъяжиметдин чан чъувр али хул Сафаралиев Гъяжимет Керимовди Дагъустандиз, Россияийи машгъур кас вуди гъюкуматдин ихтибарлу, халкъдин жавабдар вакил РФ-йин Госдумайин депутат, илимдин лап заан дережайихъ хъуркнайи профессор, академик вуй.

Сафарали Сафаралиев Санкт-Петербурдин заводдин директор, дугъан риш Марьям медицинаийн илмарин кандидат, Кировский областин здравоохранениеийн клул, хултар: Сабир-летчик, Серго техникаийи илмарин кандидат, Шамиль педагогикаийн илмарин кандидат-педуниверситетдин доцент, Алиммет ДАССР-ин лайиклу художник, Ярметдин риш Тамара ДАССР-ин лайиклу духтир, хул Заира урус чалиндинди шырар, китабар диклурайи шир вуй.

Лигай сарун, дагълугъ Цлхъарин гъулан вуйи анжагъ саб Сафаралиеварин хизанди Дагъустандиз, вари ихъ улькеийи фукан клубан, савадлу, ватанпервер баярна шубар туваш.

Хъа гъамцдар зурба хъуркъуварихъна гъюз му касиб хизандиз ва миллионариинди жара хизанариз мумкинвалар тувуб социализмдин гъурулуш, советарин гъюкумат дарин, Гъелбетда, вуйи гъахьи гъахьи гъахьи думу гъюкуматдин гъазанмиш апбан, гъунара сабанна къавалан гъархуб лизим дар.

Рамазан Велибеков. Циларин гъул.

Пресс-центриийи гъорюш

РСФСР-ин Верховный Советдин Президиумди 1991-пи йисан 28-пи декабрь адабгънайи Постановлениеийн бинаийинди гар йисан 13-пи январий Россияийн печатдин Ийгъ къаид аплура. Му машкварихди аьлакълу вуди 13-



пи январий райондин пресс-центриийи «Хивский район» МО-йин администрацияийн глава Ярмет Ярметовди, райондин депутатдин Собраниийн председател Садик Исрафилов ва райадминистрацияийн ляхнарин управляющий Арсен Рамазанов райондин пресс-центриийн коллективдихди гъорюшмиш гъахну.

Гъорюш ачимаш аплури гъулху Ярмет Ярметовди газетди халкъдин, государственной умирйи уйнамиш аплурайи роликан, райондин «Аку хяд» газетдин коллективдизра ихъ райондиз клули гъягъурайи серенжамарикан, халкъдин мяшатдин жорбежор циркларийи клули гъахурайи ляхнарикан макъалир дикъибинди муниципальный райондин администрацияийи, зегъметкеш коллективариз райондиз экономикаийна социальный месалирий гъял апбан ляхнийи гизаф комек туврайиваликан гъалпну ва газетдин вари гъулгъульчирийи чпин пешекарвалин машкар райондин администрацияийн ва клулдин чан терефнаан мубарак апбахди сабси, дурарихъ гележегдин ляхнийи имбубан заан хъуркъувалар хъуб кун гъалпну.

Шадвалин гъорюшдин «Аку хяд» газетдин редактор Рамазан Балабеков ва пресс-центриийн директор Анзор Алирзаевра гъулху. Дурари Россияийн печатдин Ийгъандин машкварихди аьлакълу вуди райондин прессайин гъулгъульчирийихди гъорюшмиш хъувалиан ва дурариз машкар мубарак апбан Ярмет Ярметовдиз ва дугъахди дуфнайи ялариз ахю вуйи чухсагул гъалпну.

Пресс-центр.

ДАССР-ин 100 йис тамам хъураз тълукъ вуди

Цийи хъуркъуваларин рьякъюъди гъягъюра

Дагъустан дагълу уьлке ву. Му дуствалин уьлкеий жорбежор миллетарин халкъар яшамаш шула. Дидиз дуствалин лаборатория кӀура.

2021-пи йисан 21-пи январь Дагъустандин Автономный Советарин социалист республика арайиз гъафихъанмина 100 йис тамам шула. 1921-пи йисан 20-пи январь вари урусатдин ляхин кӀули гъабху ЦентральнӀи комитетди ДАССР арайиз хувалин гъакънаан Декрет къабул гъалпний.

Дагъустандин Автономный Советарин Социалист Республика арайиз гъюб Дагъустандин халкъарин уьмрий важибул вакъна гъабху. 100 йис улихъна къабул гъалпӀу Декрет Урусатдихъди сатиди саб уьлкеий яшамаш хъувалин тереф гъюбху Дагъустандиз ва дидин халкъариз мяналу гъадиса гъабху.

Дагъустандин халкъарин уьмрий читин гъадисийра цидар гъабхундар. Дидина сабшнубан жара уьлкейрин чапхунчий аларху. Амма дагъустанлуийри дурарихъди гъизгъин жег гъубху. Чпин азадвал, уьлкейин сабвал, халкъарин арайиз дуствал гъюбху.

Гъамус му уьлке Россияин имбу регионарихъди сабси, социально-экономический, культурин жигъатнаан улихъна гъабху. Мидихъди сабси, 1935-пи йисан ихъ района арайиз гъафихъанмина хайлин хъуркъувалар арайиз гъафну. Душмарихъди вуйи жегерий активвал улупну. Ватандин Ахъю дявдин йисари къюд агъзурхънакван ватандашари игитвалиинди чпин буржи тамам гъалпну. Дурарикан 1100 касдилан зина фронтдиан къыляхъ гъафундар. Ватандин Ахъю дявдий иштирак гъахидар, зурба гъунара

улупбаз лигну, ватандин заан наградириз лайикълу гъаху.

Дагъустанлуийри, гъадму жигъатнаан вуди ихъ райондин вакилари Дагъустандин дуствал, Урусатдихъди вуйи сабвал уьбхбан рьякъан Законсуз бандформированийрихъди, террористарихъди, экстремистарихъди гъизгъин жегар гъубху. Гъаму жегарийра дагъустанлуийри улупу кӀубанвалин къадар адар..

Ахъиримжи йисари райондин уьмрий общественно-политический ва социально-экономический дериндиан укъвалихъинди вуйи дигиш валар арайиз удучьну.

Гъелбетда, райондихъ гъахъи вари хъуркъуваларикан гъаму макъалаий дупну удубкъудар. Гъаци вушра, тарихдиз душнайи бязи хъуркъувалариз фикир тутурвди гъибтузра даршул.

Саб жеге читинвалар арайиз гъафнушра, гизаф планар уьмрий кечирмиш апӀуз удукъну. Гъамци, Аскан Яракк 216 урхурдариз цийи мектеб ва бицидарин бахча дивну. Цинити, Лака, Човек мектебарихъ 4 классдикан ибарат вуйи помещений хъургну дивну ва душвариз алатар ва жара дакъатар тувну. Райондин бюджетдин дакъатаринди «сельсовет Межгюльский» поселенийин атрафарин али Члере гъулаъ райондин бюджетдин дакъатаринди мектебдин тикилиш, Ургъа ва Цнал гъуларийра 120 урхурдариз ийш айи тикилишар дивну. Цийи мектебар Гъаванцил, Чилихъар, Межгюль, Куштилъ, Хоредж гъуларийра арайиз гъафну. Саб къадар ляхнар мектебарин пищеблокарин жигъатнаанна духна.

Культураин рьякъанна саб хайлин улихъна душна. 1935-пи йисан райондихъ меденятдин очагар саки адайи гъалишра гъалатӀ даршул. Гъи райцентрийи культурно-досуговый центр ляхник ка. Райондихъ 27 гъулан клубар, културин хулар, 26 гъулан библиотекий, райондин центральная библиотека, музыкальная школа, райондин театр а. 1951-пи йисхъанмина табасаран ва лезги чалариинди райондин «Аку хяд» газет удубчъура.

Гъулан мяишат артмиш апӀбан бадали саб къадар серенжмар гъубху. Гъамци, Гъаванциларин гъулаъ айи «Долина ручей» ООО-ийхъ 330 гектар гъулан мяишатдин метлеб айи жилар китӀну. Дурарикан 150 гектар чвлин ва хъадукан тумар урзурайидар шула. Гъаму гъулаъ ю рьягъуриягъин ва булагъдин птуклийри уьзру тикилишар ляхник духна.

«сельсовет Архитский» гъулан поселенийин Тркал гъулаъ «Тркал-Берекет» ООО-ийи 80 кӀул ахъю кларч али маларин ферма дивна, мидихъди сабси, АхъхитӀ гъулаъ никк ва никкдин продуктар гъасил апӀбан завод дивра.

Цийи Фрюгъарин гъулаъ «Мир» ООО-ийи 4 ферма (40х12м), птичник, офис, конюшня дивна, 9,5

гектариъ багъ кивна.

Гъаванцил, Гашангъул гъуларий цийи административный, Хив МФЦ-ийн тикилишар дивну.

Райондин гъулариз, мектебариз табиаьтдин газ дубхну ишлетмиш апӀура. Райцентрийин ва гъуларихъди аьлакъа айи саб къадар рьякъар асфальтировать дапӀна, му ляхнар давам шула. Гъуларин агъалир штухъди тямин апӀбан месэлийри дериндиан фикир тувра.

Заан хъуркъуваларин рьякъюъди медицина ва спорт душна.

Район цийи проектарин программий уьмрий кечирмиш апӀбин машгул дубхъна.

Гъит тележегдий агъалир шад апӀру хъуркъувалар хъанара ишри.

Справка: ДАССР-ин ЦИК-ди 1935-пи

йисан 23-пи мартдихъ адабгу постановленийин бинайинди Хив район тешкил гъалпну ва гъадихъанмина ВКП(б)-ийн Хив райком ляхник кади гъабху. КПСС-дин Дагъустандин обкомдин бюройи 1963-пи йисан 11-пи январь адабгу постановленийин бинайинди райком сельский производственный парткомдиз реорганизоват гъалпну.

КПСС-дин Дагъустандин обкомди бюройи 1965-пи йисан 11-пи январь адабгу постановленийин бинайинди 1965-пи йисан хъанара партийин Хив райондин комитет тешкил гъалпну.

«О приостановлении деятельности кампартии РСФСР» чъур алди 1991-пи йисан 23-пи августдиз Россияин Президентди адабгу Указдин бинайинди партийин Хив райкомди чан ляхин дебккн.

Исихъ Хив район тешкил гъалпхъанмина райондин сарпи руководителар гъаши ксарин чъувар ктухура: Баламирзоев Абдул Муталибович (1935-1936-пи йисар), Мамедов Али (1936-1940-пи йисар), Мухтаров Сефихан Амирханович (1940-1941-пи йисар), Азизов Казихан Абдулазизович (1941-1944-пи йисан), Ризаханов Шафидин Магомедрасулович (1944-1950-пи йисар), Ахмедов Шамсудин Ахмедович (1950-1956-пи йисар), Шахинов Сейдулла Ахмедович (1956-1959-пи йисар), Багичев Мирзабек Мирзабекович (1959-1965-пи йисар), Рустамов Гаджимурамазан Шахинович (1965-1970-пи йисар), Рамазанов Казихамед Рамазанович (1970-1975-пи йисар), Шахмарданов Ахмед Абдулганиевич (1975-1982-пи йисар), Камалов Камал Сейфудинович (1982-1988-пи йисар), Гаджимурадов Гаджимурад Гайбатулаевич (1988-1991-пи йисар), Мустафаев Камил Агабаевич (1991-2011-пи йисар), Мирзоев Бейдуллах Гадживердиевич (2011-2018-пи йисар), Ярметов Ярмет Алиметович (2019-пи йисланмина).

ПРОГРАММА ПЕРЕДАЧ
ХИВСКОГО ТЕЛЕВИДЕНИЯ

ПОНЕДЕЛЬНИК 18.01.2021

18-00 Райновости (6+)
18-30 Концерт по вашим заявкам. (12+)
19-00 Время телесериала. (12+)
19-30 20-30, 21-20 Реклама. (12+)

ВТОРНИК 19.01.2021

18-00 Райновости (6+)
18-30 Концерт по вашим заявкам. (12+)
19-00 Время телесериала. (12+)
19-30 20-30, 21-20 Реклама. (12+)

СРЕДА 20.01.2021

18-00 Райновости (6+)
18-30 Концерт по вашим заявкам. (12+)
19-00 Время телесериала. (12+)
19-30 20-30, 21-20 Реклама. (12+)

ЧЕТВЕРГ 21.01.2021

18-00 "Беседы о религии" (6+)
18-30 Концерт по вашим заявкам. (12+)
19-00 Время телесериала. (12+)
19-30 20-30, 21-20 Реклама. (12+)

ПЯТНИЦА 22.01.2021

18-00 Райновости (6+)
18-30 Концерт по вашим заявкам. (12+)
19-00 Время телесериала. (12+)
19-30 20-30, 21-20 Реклама. (12+)

СУББОТА 23.01.2021

18-00 Райновости (6+)
18-30 Концерт по вашим заявкам. (12+)
19-00 Время телесериала. (12+)
19-30 20-30, 21-20 Реклама. (12+)

Погода на неделю

	18 января		19 января		20 января		21 января		22 января		23 января		24 января	
	ночь	день	ночь	день	ночь	день	ночь	день	ночь	день	ночь	день	ночь	день
Облачность														
Осадки														
Атмосферное давление, мм.рт.ст.	674	671	679	678	682	679	689	685	688	687	684	684	683	683
Температура воздуха, °С	+5	+6	-5	-2	-5	-3	-10	-5	-8	+1	-1	+4	-3	+5
Влажность воздуха, %	62	61	77	94	83	73	79	81	62	46	33	19	22	60
Ветер м/с	Ю-В	В	С	В	В	В	Ю-З	Ю-В	З	Ю-В	З	0	З	0
	1	2	1	3	2	2	1	2	1	1	1	штиль	1	штиль

УЧРЕДИТЕЛЬ:
администрация
муниципального
образования «Хивский
район».
Ответственный за выпуск
- Р.К.Балабеков.
Главный редактор -
А.С. Алиризаев.

Газета зарегистрирована
Управлением Федеральной
службы по надзору в сфере
связи, информационных тех-
нологий и массовых коммуни-
каций по Республике
Дагестан. Регистрационный
номер ПИ №ТУ05-00313 от
12 мая 2015г.

Авторы несут ответствен-
ность за достоверность
представленных для публи-
кации материалов
Рукописи не рецензируются
не возвращаются
Индекс газеты: 51374
Тел: 8-909-483-20-27

Газета набрана и сверстана на
компьютерной базе МБУ «Пресс-
центр МО «Хивский район» и
отпечатана в типографии № 3 г.
Дербента Республики Дагестан,
ул.С.Курбанова, 25.

Адрес редакции и издателя: 368680,
Хивский район, сел. Хив, ул. Советская,
8, МБУ «Пресс-центр МО «Хивский
район».
Срок подписания в печать -
15.01.2021г.-17:00 ч.
Подписано в печать -
15.01.2021г.-13:45 ч..
Тираж 450
Заказ №